

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2317643434 որոշումն անփոփոխ թողնելու, իսկ թիվ 2317643473 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 01 >> 02 2024թ. 7-13- 1046

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանսս վերանայելով Ահարոն Պետրոսովի ՄԴ/7764-24 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Ահարոն Պետրոսովը (ծանուցման հասցե՝ քաղաք Երևան, Շենգավիթ վարչական շրջան, Բագրատունյաց փողոց, 47/2-րդ շենք, 101-րդ բնակարան) դիմումով խնդրել է բեկանել Ճանապարհային ոստիկանության վարչական տույժ նշանակելու մասին թիվ 2317643434 և 2317643473 որոշումներից մեկը՝ նշելով, որ նույն իրավախախտման փաստով կայացվել են երկու որոշումներ:

Դիմումի քննարկման արդյունքում պարզվել է, որ դիմումատուի խնդրանքը ենթակա է բավարարման հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները:

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը հաստատելու մասին>> 28.06.2007թ. թիվ 955-Ն որոշման 80-րդ կետի համաձայն՝ տրանսպորտային միջոցը տեղակայել թույլատրվում է երթևեկելի մասի եզրին զուգահեռ մեկ շարքով՝ բացառությամբ այն տեղերի /երթևեկելի մասի տեղային լայնացում/, որտեղ գծանշմամբ թույլատրված են տրանսպորտային միջոցների դասավորման այլ ձևեր:

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը հաստատելու մասին>> 28.06.2007թ. թիվ 955-Ն որոշման 25-րդ կետի համաձայն՝ արգելվում է առավելություն ստանալու, ինչպես նաև կանգառն արգելված վայրերում կանգառ կատարելու (բացառությամբ հարկադրված կանգառի) նպատակով վթարային ազդանշանի օգտագործումը:

Ճանապարհային ոստիկանության թիվ 2317643434 և 2317643473 որոշումների հիմքերում դրված տեսանյութերը փաստում են, որ դիմումատուն ենթարկվել է վարչական պատասխանատվության, մասնավորապես՝ Երևան քաղաքի Նար-Դոս-Տիգրան Մեծ փողոցների խաչմերուկի հատվածում երթևեկելի մասի երկրորդ շարքում 12.12.2023թ-ին ժամը

13:26:08-րդ վայրկյանից ժամը 13:27:09-րդ վայրկյանը՝ 61 վայրկյան տևողությամբ, ինչի համար Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ մասով սահմանված է վարչական պատասխանատվություն, որի համար կայացվել են թիվ 2317643434 և 2317643473 որոշումները:

Ակնհայտ է, որ միևնույն իրավախախտման համար, կայացվել են երկու տարբեր որոշումներ, ուստի ճանապարհային ոստիկանության վարչական տույժ նշանակելու մասին թիվ 2317643434 որոշումն ենթակա է կատարման, իսկ թիվ 2317643473 որոշումը՝ բեկանման:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասի 8-րդ կետով, 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2317643434 որոշումը թողնել անփոփոխ.
2. Ճանապարհային ոստիկանության վարչական տույժ նշանակելու մասին թիվ 2317643473 որոշումը բեկանել և վարչական իրավախախտման վերաբերյալ գործի վարույթը կարճել.
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ Վարչական դատարան՝ օրենքով սահմանված կարգով և ժամկետներում.
4. Սույն որոշման օրինակն ուղարկել Ահարոն Պետրոսովին:



Ն.Սարգսյան